



Paasissutissiineq

Inissiani nutaani nipip ussissusianik misissuineq

Sanilit nipiliornerinut maalaaruterpassuit kiisalu illuliornermut malittarisassat(GB06) nutarterneqarnissaat tunngavigalugu, inissialiani nutaani illuliornermut malittarisassani nipimut tunngassuteqartut naammassineqarsimanersut pillugu Ineqarnermut, Attaveqarnermut Angallannermullu Naalakkersuisoqarfik misissuititsisimavoq.

Nalunaarusiami Kalaallit Nunaanni inissiaarsuarni nutaanerusuni pingasuni nipimut ussissutsimut uuttortaanerit nassuiaatigineqarput. Uuttortaanerit takutippaat, illut sannaanni oqimaatsuni atorneqartuni BR06-imi nipimut piumasaqaatit atuuttut – danskit illuliornermut malittarisassaanni 1995-imeersumi nipimut piumasaqaatit assingi – pitsaasumik naammassineqartut. Kiisalu uuttortaanerit inernerini tamangajanni danskit piumasaqaataat sukannernerulersitat 2010-meersut naammassineqarput, taamatullu kalaallit illuliornermut malittarisassaannik taamatut sukannernerulersitsinissaq pilersaarusioriaatsit sanariaatsilluunniit annertunerusumik allanngortinnagit naammassineqarsinnaavoq.

Angusanut kusanartunut sanariaatsit toqqarneqartut kisimik peqqutaanngillat, aammali sanaartorfinni aqutsinerup pitsaasuunera, taamaalillunilu sananermi pitsaassutsip aallulluarneqarsimanagera peqqutaasimassasoq ilimanaateqarluinnarpoq. Erseqqissaatigineqassaaq uuttortaanerup inernerit atortut oqitsut atorlugit illulianut nuunneqarsinnaanngimmata, aammalu imaaliallaannarlutik atortut oqimaatsut atorlugit illulianut tamanut nuunneqarsinnaanatik.

Nalunaarusiami inissiani nipinut tunngassuteqartut eqqumaffigineqarnerulernissaat siunnersuutigineqarpoq, kiisalu inissialiani nipimut tunngassuteqartut pillugit suliaqarnissamut ilitsersuutip imassaanut isumassarsianik saqqummiussisoqarluni. Aamma nalunaarusiamut imaqarniliaq kalaallisut allataq ilaavoq.

Nalunaarusiaq, " SBI 2013:34 – Inissiani nutaani nipip ussissusianik misissuineq", Statens Byggeforskningsinstitut-ip (SBI) Namminersorlutik Oqartussat sinnerlugit suliarisimasaa SBI-p nittartagaani, www.sbi.dk, imaluunniit linkimi www.byginform.dk aaneqarsinnaavoq.

15. februar 2013
Sags nr. 2011-044435
Dok. Nr. 1493180

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl